



Parlamentarna komisija odgovorna za reviziju  
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-1040/26-3  
Sarajevo, 27. 4. 2026. godine

**ČLANOVIMA  
PARLAMENTARNE KOMISIJE  
ODGOVORNE ZA REVIZIJU**

Dana 21. 4. 2026. godine, održana je 30. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 13 članova Komisije i samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 30. sjednici Komisije prisustvovali su Mirza Kudić, generalni revizor, Nina Džidić zamjenica generalnog revizora i Enesa Kadrić, sektorski rukovodilac Ureda za reviziju institucija u Federaciji BiH.

Predsjednik Komisije je predložio **dnevni red**, koji je jednoglasno usvojen, a koji glasi:

1. Usvajanje zapisnika sa 29. sjednice Parlamentarne komisije odgovorne za reviziju,
2. Dokument okvirnog budžeta za period 2027.-2029. godina Ureda za reviziju institucija u Federaciji Bosne i Hercegovine,
3. Izvještaj o aktivnostima Ureda za reviziju institucija u Federaciji Bosne i Hercegovine za 2025. godinu,
4. Inicijativa Ustanove za socijalno zbrinjavanje i zdravstvenu njegu – Bakovići za poduzimanje aktivnosti u propisivanju adekvatnog okvira finansijskog izvještavanja i primjenjivanja kontnog plana Ustanova socijalne zaštite u Federaciji BiH,
5. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta Federacije BiH i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

**IZVJEŠTAJ**

1. **Usvajanje zapisnika sa 29. sjednice Parlamentarne komisije odgovorne za reviziju**

Komisija je razmatrala zapisnik sa 29. sjednice Parlamentarne komisije odgovorne za reviziju i jednoglasno ga usvojila.

## **2. Dokument okvirnog budžeta za period 2027.-2029. godina Ureda za reviziju institucija u Federaciji Bosne i Hercegovine**

U skladu sa članom 5. Zakona o reviziji institucija u Federaciji Bosne i Hercegovine ("Službene novine Federacije BiH", broj 22/06), Zakona o budžetima u Federaciji Bosne i Hercegovine („Službene novine Federacije BiH", br.102/13, 9/14,13/14, 8/15, 91/15,102/15 i 104/16, 5/18, 11/19, 99/19, 25a/22, 7/25 i 6/26) i Budžetskom instrukcijom broj 1, Ured za reviziju institucija u Federaciji Bosne i Hercegovine je sačinio prijedlog Dokumenta okvirnog budžeta za period 2027. - 2029. godina i dostavio na nadležno postupanje članovima Komisije.

Predsjednik Komisije je nakon uvodnog izlaganja dao riječ predstavnicima Ureda za reviziju institucija u Federaciji BiH.

Generalni revizor je u svom obraćanju predstavio pregled finansijskog plana Ureda za reviziju institucija u Federacije BiH za naredni trogodišnji period. Između ostalog, istakao je da su ključna finansijska povećanja predviđena na tri strateške pozicije Ureda za reviziju:

1. Renoviranje i opremanje novog sjedišta Ureda, što je aktivnost koju je Komisija podržala na prethodnim sjednicama
2. Jačanje kadrovskih kapaciteta kroz nova zapošljavanja
3. Kontinuirano usavršavanje i edukacija postojećeg kadra

Nakon izlaganja predstavnika Ureda, predsjednik Komisije je otvorio raspravu u kojoj su članovi Komisije razmotrili ponudeno obrazloženje. Po okončanju rasprave, predsjednik je predmetni dokument stavio na glasanje, nakon čega je konstatirao da su članovi Komisije jednoglasno usvojili sljedeći:

### **ZAKLJUČAK**

Usvaja se DOB Ureda za reviziju institucija u Federaciji BiH za 2027. - 2029. godinu Ureda za reviziju institucija u Federaciji BiH u sadržini kako ga je predložio Ured za reviziju institucija u Federaciji BiH.

## **3. Izvještaj o aktivnostima Ureda za reviziju institucija u Federaciji Bosne i Hercegovine za 2025. godinu**

Predsjednik Komisije otvorio je tačku dnevnog reda informacijom da je Ured za reviziju institucija u Federacije BiH dostavio članovima Komisije na razmatranje Izvještaj o aktivnostima za 2025. godinu, nakon čega je pozvao predstavnike Ureda na obrazloženje dokumenta.

Generalni revizor je u uvodnom izlaganju istakao da predmetni izvještaj predstavlja sveobuhvatan pregled rezultata rada ostvarenih u skladu sa zakonskim nadležnostima i strateškim ciljevima institucije. Naglasio je da je Ured za reviziju u 2025. godini uspješno realizirao sve planirane revizorske aktivnosti (finansijske revizije, revizije usklađenosti i revizije učinka), čime je nastavljen kontinuiran doprinos jačanju transparentnosti, odgovornosti i efikasnosti u upravljanju javnim sredstvima.

Nakon iscrpnog obrazloženja, predsjednik Komisije je otvorio raspravu, a potom Izvještaj stavio na glasanje. Na osnovu rezultata glasanja, predsjednik je konstatirao da je Komisija, sa

dvanaest glasova „za“ i jednim „suzdržanim“ glasom, usvojila Izvještaj o aktivnostima Ureda za reviziju institucija Federacije BiH za 2025. godinu.

#### **4. Inicijativa Ustanove za socijalno zbrinjavanje i zdravstvenu njegu – Bakovići za poduzimanje aktivnosti u propisivanju adekvatnog okvira finansijskog izvještavanja i primjenjivanja kontnog plana Ustanova socijalne zaštite u Federaciji BiH**

Ureda za reviziju sačinio je Izvještaj o obustavi finansijske revizije ustanova socijalne zaštite Federacije BiH za 2025. godinu. Ured je u predmetnom izvještaju istakao razloge nemogućnosti provođenja revizije u ustanovama socijalne zaštite, sa fokusom na neusaglašenost člana 69. stav 4) Zakona o ustanovama sa Zakonom o budžetima Federacije BiH.

Povodom navedenog, Parlamentarnoj komisiji odgovornoj za reviziju je od strane Ustanove za socijalno zbrinjavanje i zdravstvenu njegu – Bakovići, dostavljena je inicijativa za poduzimanje aktivnosti u propisivanju adekvatnog okvira finansijskog izvještavanja i primjenjivanja kontnog plana ustanova socijalne zaštite u Federaciji BiH.

U cilju rješavanja zakonske neusklađenosti ova ustanova je dala inicijativu za izmjenu člana 69. stav 4. Zakona o ustanovama socijalne zaštite Federacije BiH, koji bi glasio:

*“Federalne ustanove socijalne zaštite vode finansijsko poslovanje, odnosno finansijsko izvještavanje i poslovne knjige prema kontnom planu za vanbudžetske korisnike.”*

Ovako formuliranom odredbom sve ustanove socijalne zaštite Federacije BiH bi vodile jednoobrazno računovodstveno evidentiranje poslovnih događaja i finansijsko izvještavanje, kao i drugi vanbudžetski korisnici u Federaciji BiH (bolnice, domovi zdravlja, javne ljekame, javni vrtići, komunalna poduzeća i drugi).

Predsjednik Komisije je nakon uvodnog uzlaganja pozvao predstavnike Ureda da iznesu svoje mišljenje u vezi dostavljene Inicijative.

Povodom iznesene inicijative, prisutnima se obratila Marijana Miličević, sektorska rukovoditeljica u Uredu za reviziju institucija u FBiH. Istakla je da je Ured za reviziju u Izvještaju o obustavi finansijske revizije ustanova socijalne zaštite FBiH za 2025. godinu već detaljno obrazložio razloge zbog kojih reviziju nije bilo moguće provesti.

Naglasila je da predmetna ustanova nije u potpunosti uvažila suštinu problema koji onemogućavaju provođenje revizije u ovim institucijama. Prema stavu Ureda, ponuđena formulacija izmjene člana 69. stav 4. Zakona o ustanovama socijalne zaštite FBiH nije dostatna za sistemsko rješavanje problema u vezi provođenja revizije u ovim ustanova.

Predsjednik Komisije je nakon izlaganja predstavnice Ureda za reviziju konstatirao da je dostavljenu Inicijativu neophodno korigirati, a zatim dostaviti u parlamentarnu proceduru. Pozvao je članove Komisije da u okviru svojih političkih subjekata i klubova u Parlamentu Federacije BiH prezentiraju problematiku, kako bi se Uredu za reviziju omogućilo sprovođenje revizija u Ustanovama socijalne zaštite u Federaciji BiH.

Potpredsjednik Komisije Damir Džeba naglasio je da je predmetna inicijativa dostavljena od strane jedne od ustanova socijalne zaštite, ali je ukazao na činjenicu da postoje i druge ustanove iz ovog sektora u kojima je provođenje revizije podjednako onemogućeno.

S tim u vezi, potpredsjednik Džeba je uputio pitanje predstavnicima Ureda za reviziju da li je održan koordinacijski sastanak sa predstavnicima predmetne ustanove na kojem bi se precizno

definirali koraci neophodni za rješavanje problema sprovođenja revizije, kako bi se ti prijedlozi finalizirali kroz normativnu proceduru u Parlamentu Federacije BiH.

Odgovarajući na upit potpredsjednika Komisije, predstavnicu Ureda za reviziju obavijestila je prisutne da, nakon donošenja Zaključka o obustavi provođenja revizije u ustanovama socijalne zaštite, nije bilo službene komunikacije između Ureda za reviziju i predmetnih ustanova u cilju rješavanja ovog pitanja.

Predsjednik Komisije je zaključio raspravu konstatacijom da će on i potpredsjednik Komisije u narednom periodu poduzeti neophodne aktivnosti i obaviti konsultacije sa predstavnicima Ureda za reviziju i ustanova socijalne zaštite. Cilj ovih konsultacija je postizanje usaglašenog rješenja koje će, putem Komisije ili drugog ovlaštenog predlagača, biti upućeno u parlamentarnu proceduru radi konačnog rješavanja problema provođenja revizije u ovim ustanovama.



**ZAMJENIK PREDSJEDNIKA  
PARLAMENTARNE KOMISIJE  
ODGOVORNE ZA REVIZIJU**

**Damir Džeba, v.r.**



**PREDSJEDNIK  
PARLAMENTARNE KOMISIJE  
ODGOVORNE ZA REVIZIJU**

**Elvir Karajbić, s.r.**